



“ 11 ” 12 2020y

№ 01/00-04/07-11516-5

Ўзбекистон Республикаси Олий  
Мажлисининг Қонунчилик  
палатаси, Меҳнат ва ижтимоий  
масалалар Қўмитасига

Бандлик ва меҳнат муносабатлари вазирлиги томонидан Ўзбекистон Республикаси Олий Мажлисининг Қонунчилик палатаси Меҳнат ва ижтимоий масалалар Қўмитасининг 2020 йил 26 августдаги Бандлик ва меҳнат муносабатлари вазирининг “Бандлик соҳасида давлат сиёсатини янада такомиллаштириш ва меҳнат органлари фаолияти самарадорлигини тубдан ошириш масаласида олиб борилаётган ишлар тўғрисида”ги ахборотини эшитиш якунлари тўғрисидаги қарори ижроси юзасидан куйидаги ишлар амалга оширилди.

Туман (шаҳар) аҳоли бандлигига кўмаклашиш марказлари томонидан 2020 йилнинг 1 декабрь ҳолатига **332,8 минг** нафар ишсиз, шунингдек, четга ишлаш учун кета олмаган ва қайтиб келган фуқароларни доимий иш ўринларига **ишга жойлаштиришга кўмаклашилди**.

Шунингдек, Бандлик ва меҳнат муносабатлари вазирлиги ҳузуридаги Жамоат ишлари жамғармаси маблағлари ҳисобидан, 2020 йилнинг январь-ноябрь ойлари давомида айниқса, коронавирус пандемияси даврида **519,2 минг** ишсиз фуқаролар (*шундан 276,1 минг нафар аёллар, 175,2 минг нафар ёшлар*) **жамоат ишларига жалб қилинди** ҳамда уларнинг иш ҳақи тўлови учун жамғармадан **479,8 млрд.сўм** молиялаштириб берилди. Хусусан:

- ободонлаштириш бошқармалари, “Тоза ҳудуд”, корхоналари маҳаллаларнинг буюртмалари асосида шаҳар, туман, аҳоли пунктлари, маҳалла ҳудудларини ободонлаштириш (*кўкаламзорлаштириш, тозалаш, оқлаш, маданий объектлар ва ариқларни тозалаш, кўчалар ва пиёдалар юриш йўлакларини таъмирлаш каби*) ишларига **330,2 минг** нафар фуқаро жалб қилинди;

- фермер хўжаликлари ва кластер корхоналарининг буюртмалари билан мавсумий қишлоқ хўжалик ишлари, қишлоқ хўжалиги маҳсулотларини тайёрлаш, сақлаш ва қайта ишлаш, ирригация ва мелиорация тармоқларини таъмирлаш, ипак куртини парвариш қилиш, чорва-наслга техник осеменатор каби ишларига **95,4 минг** нафар фуқаро жалб қилинди;

- саноат тармоқлари ва хизматлар кўрсатиш корхоналарининг буюртмалари билан уй-жой коммунал ва бошқа инфратузилма объектларини қуриш, реконструкция қилиш ва таъмирлаш каби ишларга **32,8 минг** нафар фуқаро жалб қилинди;

- Давлат санитария-эпидемиология назорати марказлари билан биргаликда тиббиёт коллежларини тамомлаган ҳамда илгари тиббиёт соҳасида ишлаган **25,3 минг** нафар фуқаро маҳаллалар, кўчалар, бозорлар ва жамоат жойларини дезинфекция қилишга жалб қилинди;

Карантин даврида ташкил этилган блок-постларда, "Кўчма савдо марказларига", "Хайрия марказлари"га посбон сифатида ва бошқаларга **19,1 минг** нафар фуқаролар, айниқса ёшлар жалб этилди;

- "Обод маҳалла" ва "Обод қишлоқ" дастурлари бўйича ва "ўзини яккалаш" тизими бўйича якка ёлғиз қариялар, ногиронлиги бўлган ва ўзгалар парваришига муҳтож аҳолини парваришлаш ишларига **16,4 минг** нафар фуқаролар жалб қилинди;

Хитой тажрибаси бўйича бугунги кунда Республика бўйича **443 та кооперативлар** ташкил этилди. Кооперативларга ҳудуддаги **21,1 минг** нафар ишсиз, кам таъминланган ва камбағал оила аъзолари бириктирилди ва уларга кооперативларнинг устав фондига аъзолик улуши сифатида **47,5 млрд.сўм** субсидия маблағлари ажратилди.

Шахсий томорқаларни ривожлантириш учун **32,5 минг** кам таъминланган, айниқса "темир дафтар"га киритилган оилаларга енгил типдаги **иссиқхона қуриш**, шахсий ва дала томорқасида экишга уруғлар ва кўчатлар ҳамда суғориш воситаларини ҳарид қилиш учун **93,8 млрд.сўм субсидия** берилди.

Шу билан бирга 2020 йилнинг январь-ноябрь ойлари давомида "Темир дафтар"га киритилган банд бўлмаган ва ишсиз аҳолини, айниқса ёшлар, аёллар ва ижтимоий эҳтиёжманд аҳолини иш билан бандлигига кўмаклашиш ҳамда тадбиркорлик билан шуғулланишга жалб этиш бўйича Бандликка кўмаклашиш давлат жамғармасидан ажратилган **9,4 млрд.сўм** субсидия маблағлари ҳисобига **9,5 минг** нафар фуқаронинг бандлигига кўмаклашилди. Шундан:

- **5,4 минг** нафар тадбиркорлик қилишни хоҳловчи ишсиз фуқароларга давлат рўйхатидан ўтиш, кредит олишда суғурта полиси тўлови учун **1 308,2 млн.сўм** субсидия берилди.

- **282 та** иш берувчиларга меҳнат органлари йўлланмаси бўйича ишга қабул қилинган **4,0 минг** нафар ходимларни малакасини ошириш учун **8,2 млрд.сўм**;

- **127 та** иш берувчиларга **424 нафар** ижтимоий эҳтиёжманд аҳолини квоталанган иш ўрнидан ортиқ ишга қабул қилганлиги учун уларнинг ойлик иш ҳақи тўловига **895,0 млн.сўм**;

Ишсиз фуқароларни моддий қўллаб-қувватлаш мақсадида **71,9 минг** нафар ишсизларга **19,7 млрд.сўм** ишсизлик нафақаси тайинланди ва тўлаб берилди.

Меҳнат органлари йулланмалари асосида **касб-ҳунарга ўқитилган** ишсиз фуқаролар сони **45,0 мингдан** ортиқ бўлиб (*шундан, ёшлар 25 минг, аёллар 31,1 минг*) уларнинг стипендия ва ўқув харажатлари учун Бандликка қўмаклашиш давлат жамғармасидан **14,0 млрд.сўм** маблағ молиялаштириб берилди.

**Вазир ўринбосари**



**Б.Умурзаков**